

"duces Hierosolymam magnam & amplam ad prædandum.
 "Inter quos etiam fuit dux quidam ex ducibus Titi, nomine
 "Sidrus, qui ingressus quæsit, & invenit domum in urbe
 "illa magnam & amplam, quam spoliavit. Cum vero vel-
 "let exire, adspexit parietem, & vidit, quod quædam es-
 "sent abscondita in pariete, Quare diruit parietem & ædi-
 "ficium, & invenit conclave repletum libris plurimis, Pen-
 "tateucho, Prophetis & Hagiographis, ut & libris de Re-
 "gibus Israel, & Regibus gentium: Invenit etiam libros
 "alios plurimos ad Israelitas spectantes, nec non descripta
 "Legis exemplaria correctâ, ut & thesauros multos addu-
 "ctos istuc; invenit quoque varias ciborum species & vi-
 "num multum. Ibi quoque invenit quendam senem seden-
 "tem, & legentem in libris. Videns vero dux hunc adspe-
 "ctum egregium, admiratus est maxime, dixitque, cur hoc
 "loco sedes, nemoque super te constitutus est. Respondit se-
 "nex, quod ante multos annos cognoverit, destructionem
 "Hierosolymæ, quodque ideo exstruxerit sibi hoc conclave
 "& exedram, atque illos libros secum attulerit, ut eos lege-
 "ret; se enim cogitasse, fortasse se erepturum animam suam.
 "Exhibuit itaque DEUS huic seni hanc misericordiam in o-
 "culis ducis, ut eduxerit eum cum gloria, cum omnibus li-
 "bris ejus, qui profectus est cum eo ex urbe in urbem, do-
 "nec pervenerunt Sevillam; vidit enim Dux, quod senex
 "ille sapiens & prudens & doctus esset in omnibus discipli-
 "nis, quare honorifice eum habuit, & aluit eum in domo sua
 "perpetuo, & informatus est ab eo in omni sapientia. Por-
 "ro ambo ædificarunt domum magnam muro circumdatam
 "Sevillæ, in quam deduxerunt omnes illos libros, quæ do-
 "mus adhuc est in urbe Sevillæ. In illis libris scripta sunt o-
 "mnia, quæ futura sunt in regnis mundi usque ad adventum
 "Messiæ nostri. Cum vero in exilium ejecti essemus, acci-
 "dit, ut liber hic, qui Toledoth Adam vocatur, in nostras
 "manus venerit, cum aliis pluribus libris, qui ex ista domo
 "Sevillæ exportati, & in urbem nostram Neapolin, quæ sub
 Rege